

Ata wayen akk yellan ihi:



Aya d waya, aya d wayen-**nni**, aya d waya, aya d wayen.
Dya ssakdey s igenni, amzun d itran i d-yuragen.
Iædda-d wergaz-**nni** yeznuzun ijeğğigen.
Tessaked-iyi-d kra ur t-id-**tenni**, te**d**fer amsebrid s wallen.
Nniy-as i wergaz-**nni**: Awi-d akk ijeğğigen!
Tayri teddem-d isegni yerna d win yessafagen.
Ur **z**riy deg wacu tsenni, almi tessemlal ulawen.
Gas ma ufan-ay-d wid-**nni**, gas usmen yakk yergazen.
D ass-**nni**den wass-**nni**, yedder gas ifut dayen.
D ass ideg uliy s igenni, nekk, nettat d ijeğğigen.
Lemmer kan ur d iyi-d-**tenni**: Urar-ay-d a**z**awan nessen!
D a**z**awan n tmeddit-**nni**, swayes ce**d**hen ineqlusen.

Allay-iw yekker icennu, a**z**awan ibeddel idis.
Mozart zdat-i la ikennu, van Beethoven yeldi imi-s.
Yak gas targit-a ad tefnu, tidet gas ssufyeγ-d ul-is.
I**z**ri-w s yes-s i yettru, i d-yessawel wul targit-is.

Ğget-iyi-tt telha targit, anfet-as ttxil-wat ay ussan!
Xer**ş**um ass-a tameddit, yes-s ad nemmager aya d-yusan.
Ğget-iyi ad afey talwit, ad **z**rey ijeğğigen fsan!
Ney d yir lfal, d tawayit wergaz-**nni** d-iceddann?

Hulfay s tayri-w tellu**z**, imi ur tturarey a**z**awan.
T**ţ**afarey-t yur-i ur d-yu**z**, tem**z**i-w tufa-d yeğğat-t lawan.
Aqerru anef a t-nhuzz! Ul n tawayit d a**z**ru ur yettru**z**,
yeqqur mi nettwarba deg iciwan.
Glin-d ime**ţ**awen war le**h**ruz, yal tiqit annect udebbuz,
dya tmekken-iyi-d ssiwan.

Tanna-k "anef-ay ad neddari, anef i ye**z**ri-k ad ye**h**mel!
Anida t**h**ebbes tmuyli, rru**h** di tikli ad ikemmel.
D amezgun tudert-agi, ma**č**či akken nteddu ass-agi,
azekka ara nehmel.
Yal ass d acu d-yettawi, yal wa d acu yettnadi,
yal waye**d** d tidet i**h**emmel”.

Amzun tefka-yi abeqqa, allay-iw yerfed, yesres.
Ameslay-is deg-s ttiqa, acku yeffey-d s tefses.
Ulac i d-yekkan sufella, deg ufus n yal akli i tella,
ssnesla ma ira a tt-yekkes.
Ssufyey-d ul-iw si thila, nniy " ayen yellan, yella!",
Walay leyrur yefrawes.

Tagi a tt-id-taf tmeddit, anef ad nuyal d imeslab!
Yak tayri tazawalit, d tin i wumi yuli leh̄sab.
Tagi d tunṭict n tmuffirt, ayen-nniḍen akk diri-t,
d tadist n yir ṣṣwab.
nekkni s yemdanen am tebḥirt, uẓu nejber-it ney neny-it,
fiḥel aneyḍul n rrebrab.

I tigi anwa ur tent-neyri, anwa ur nreffu, ur nettsibbi?:
D acu tt-id-yewwin γur-i? D acu-tt ta a ddin Rebbi?
Tafelsuft n Nietzsche d lemri, tidet seg-s i d-tefruri,
s tẓuri i tt-yenbec, i tt-yebbi.
Awalen-agi ur sen-nebri: " Tella kra n tiselbi di tayri,
yella dayen kra n wezref di tiselbi".

Said At Mæmmer